

## 3 Juan

<sup>1</sup>Juánhøch nxøhaty. Mägu'ughajpä Gayo, miichhøch hädaa nocy nyajnäjaayøøby. Tøyhájthøch miičh ndsocy nba'häyoy.

<sup>2</sup>Ween miičhä Dios hoyhajt weenhajt xmio'oy. Nnajuøøbiøch jaduñ coo miičh hoy mwädity.

<sup>3</sup>Tøøchä hermanohajxy hoy näje'e xyhawaanä coo miičhä Diosmädia'agy hamuumdu'joot mbanøcxy. Páadyhøch jootcujc nnijäwø'oyii. <sup>4</sup>Cooch nmädoxyhaty cooch njamiøødä Diosmädia'agy hajxy hamuumdu'joot pianøcxy, jaančh tehñ xioonďáacpøch jaduñ.

<sup>5</sup>Hoy miičhä Diosmädia'agy mgudiuñ coo ja'a hermanohajxy mbuhbety, ja'a hajxy jäguemgajpt-tsohmä. <sup>6</sup>Tøø hajxy nägapxy maa ja'a tsajtøjcän coo miičh hajxy mjaančh tehñ chocy mjaančh tehñ pia'häyoy. Y coo hajxy hänajty jiaac tu'ubøgaannä, mmó'owäp hajxy tijaty hajxy hänajty yajmaajiajpy. <sup>7</sup>Hix, ja'a Jesucristocøxpä hajxy wiädity. Ja'a Diosmädia'agy hajxy yajwa'xyp. Y cab hajxy tii miäyujwa'añ ja'a Diosmädia'agy hajxy ca'a panøcxpä. <sup>8</sup>Paady jaduñ yhahixø'oy coo ja'a hermano hajxy nbuhbéjtämät;

jaduñ hajxy hoy nmøødtúunämät maa ja'a Diostuung jaduñ myiñän.

<sup>9</sup>Tøøchä hermano nocy hajxy tu'ug nja yajnäjaayø'oy, pero cábøchä Diótreres nmädia'agy xquiudiunaanä, je'eguiøxpä coo ja'a yhamdsoo mädia'agy jaduñ yajtuna'añ maa ja'a hermanohajxiän. <sup>10</sup>Haxøøgjátyhøch naxy xñänømy. Y maas haxøøg jaduñ jiatcø'oy coo ja'a hermano cuhdajt hajxy quia'a mo'oy coo hajxy jiojpoøø'owät ja'a Diosmädia'agy hajxy yajwa'xpä. Y coo pøn hänajty jiojpoøø'owa'añ, mänitä Diótreres miäna'añ coo yajpädsøømänät maa ja'a tsajtøjcän. Cooch jim nnøcxät maa mijtsän, mänitøch ngøxy nägápät nebiaty jiatcø'oy. <sup>11</sup>Miičh mägu'ughajpä, cab jaduñ mänaa mbajacø'owät. Pøn jaduñ jatcøøby, cabä Diosmädia'agy miäböcy. Pero pøn hoy wädiyp homiänaajä, miäböjpiä Diosmädia'agy je'e. Jaduñ miičh mbahíxät.

<sup>12</sup>Pero ja'a Demetrio, cab jaduñ jiatcø'oy nebiä Diótreres jiatcø'oyän. Tøyhajtä Demetrio ja'a Diosmädia'agy pianøcxy hamuumdu'joot. Cumáayyap jaduñ nägøxiä, y ngumäabiøch høøchpä. Mnajuøøby miičh jaduñ coochä tøyhajt nmøødä.

<sup>13</sup>Madiú'ujøch miičh nja hawaan<sup>á</sup>aan<sup>á</sup>m. Pero cábøch njaayaan<sup>n</sup>á. <sup>14</sup>Chójpíøch njoot jadu<sup>h</sup>n coočh jim nnócxät maa miičhän. Mänit haawhaam nmädiáacämät.

<sup>15</sup>Ween miičh jootcuje mmähmø'øy. Xyajpoo'xp miičh ja'a mmägu'ughajpähajxy yaabä. Tunä mayhajt, yajpóo'xäc højts nmägu'ughajpähajxy jim<sup>b</sup>ä nägøxiä.